



NATIONAL SENIOR CERTIFICATE EXAMINATION
NOVEMBER 2016

ISIZULU ULIMI LWASEKHAYA: IPHEPHA II
ISIZULU HOME LANGUAGE: PAPER II

Isikhathi: Amahora ama-3

Amamaki ayi-100

QAPHELA LOKHU OKULANDELAYO

1. Leli phepha linamakhasi ayi-5. Qiniseka ukuthi nelakho liphelele.
 2. Qala isiqephu nesiqephu ekhasini elisha. Ungaqala nganoma yisiphi isiqephu kodwa kufanele imibuzo yeziqephu ungayixovi.
 3. Bhala izinombolo zemibuzo zihambisane nezisephepheni lokuhlolwa.
 4. Fundisisa imibuzo ngaphambi kokuphendula.
 5. Bhala ngesandla esifundekayo, uhlele ngobunono umsebenzi wakho.
-

ISIQEPHU A IMIBHALO**AMAQILI: P. B. MAPHUMULO**

Bhala **i-esityi** ezoba nezigaba ezine kuya kwezinhlanu, amagama esewonke abe phakathi kwangama-250 kuya kwangama-300.

Ohlolwayo uzoklonyeliswa uma eqaphelisisa okulandelayo:

- Ukuhleleka kwe-esityi.
- Ukusebenzisa ulimi oluhle nolunothile.
- Ukukhombisa ulwazi lwendaba engqikithini yempendulo.
- Ukukhetha ngokunembayo amagama nokubhalwa kwawo kahle.

UMBUZO 1

**QAPHELA: Phendula umbuzo OWODWA kwelandelayo.
Phendula umbuzo 1.1 NOMA umbuzo 1.2.**

1.1 Funda ingxoxo ecashuniwe ezokusiza ukuphendula umbuzo ongezansi:

Umculo omfushane. Kuzwakala imisindo yaseshantshi.	
Dlomo:	Uyazi ukuthini? Ziyenzeka izinto. Kuhlangene imihlathi eyazanayo ngempela Sayitsheni uma kunje.
Cele:	Konje ukusholo phezu kwaliphi iphuzu lokho Mkhabela?
Dlomo:	Engqondweni yami asikapheli isithombe sokubanjwa kwaleli qili okuthiwa nguSimonyo. Lihlakanishelwe nganjengalo njengoba lihlakanishelwe nguNjivana nje. Ehhe! Lo macashelana walo ebelilokhu liwudlalela abanye abantu kukahle impela uma liwudlalelwa nguye kanye lo muntu elaqala ngaye ukumdlalela wona. Kushiyane khona ukwenza.
Cele:	Sesingikhanyela kakhulu-ke lesi sisho sabamhlophe esithi: 'Send a thief to catch a thief.'
Dlomo:	Ehhe! Sengathi ungalisho uliphinde lelo Sayitsheni. Ngempela kuthiwa: 'Thuma isela ukuze ubambe isela.'

Wena uyiJaji laseNkantolo eNkulu. Bhala isinqumo ozofinyelela kuso emacaleni kaSimonyo. Bhala futhi isigwebo ozomnika sona ngecala ngalinye.

Phakathi kokunye bhokisa kulokhu:

- Amacala ozowathola kuSimonyo ngokwendaba.
- Isigwebo omnika sona ngalawo macala.
- Amazwi akho owabhekisa emphakathini nakwezinye izigebengu.

[30]

NOMA

1.2 Funda ingxoxo ecashuniwe ezokusiza ukuphendula umbuzo ongezansi:

Umculo omfushane.
Kuzwakala kakhulu ukuduma kwendiza engujekamanzi.

Cele: Ehhe! Gijimisa izipopolo phakathi esimobeni Nobuhle, ikhona uzongitshela ukuthi ubonani ngazo.

Nobuhle: Akubuzwa mseshi omkhulu. Nguye kanye lo mlisa esihlwaya umkhondo wakhe. `Ngibona kahle konke ngazo. Bheka ngoba ziwusondeza eduze umfanekiso wakhe, ziwukhulise futhi.

Dlomo: Uyobe uyakwazi ukuphuma nesikhuni somlilo emanzini sivutha uma ephunyule sesimhlanganele ngalolu hlobo.

Nobuhle: Yiqiniso elingephikwe phela ukuthi ingalo yomthetho yinde.

Cele: Kuzofanele yehle indiza ize iyothi cababa eduzane nesixuku lesiya ...

Wena unguMphathi wamaphoyisa kule ndaba. Bhala amazwi uncome umsebenzi omuhle wamaphoyisa wokubamba lo mlisa.

Phakathi kokunye bhekisa kulokhu:

- Gqamisa amakhono amaphoyisa endabeni.
- Amazwi okuncoma neziyalo.
- Amazwi abhekiswe emphakathini ukulekelela amaphoyisa emsebenzini wawo.

[30]

ICOBELO: A. M. MTHEMBU NO N. A. P. KHUMALO**QAPHELA Phendula umbuzo OWODWA kwelandelayo.
Phendula umbuzo 2 NOMA umbuzo 3.**

Bhala **i-esityi** ezoba nezigaba ezine kuya kwezinhlanu, amagama esewonke abe phakathi kwangama-300 kuya kwangama-350.

Ohlolwayo uzoklonyeliswa uma eqaphelisisa okulandelayo:

- Ukuhleleka kwe-esityi.
- Ukusebenzisa ulimi oluhle nolunothile.
- Ukukhombisa ulwazi lwendaba engqikithini yempendulo.
- Ukukhetha ngokunembayo amagama nokubhalwa kwawo kahle.

UMBUZO 2

'Amasu amane? Kanti uhlezi ungaqonywa nje uyisishimane.'

Sebenzisa indaba okucashunwe kuyo amazwi angenhla uqhathanise uJabulani nobaba bakhe bobabili.

Phakathi kokunye bhakisa kulokhu:

- Baqhathanise kwabakushoyo ngokukhetha inkosikazi.
- Isiko lokucela nokulobola endabeni nombono wakho.
- Umbono wakho ngezinkulumo zabalungiswa ababalwe ngenhla.

[30]

NOMA**UMBUZO 3**

'Kazi uzozithenga ngani izincwadi ngoba ushiye isikhwama sakho semali lapha ekhaya.'

Sebenzisa indaba okucashunwe kuyo amazwi angenhla ukhombise ukuthi ubuhlanga buseyinsesele namanje ezweni lethu.

Phakathi kokunye sebenzisa lokhu:

- Ukugqama kobuhlanga kule ndaba.
- Izibonelo zobuhlanga ezweni lethu.
- Umbono wakho ngokungenziwa ngale nkinga.

[30]

Amamaki angama-60

ISIQEPHU B UKUBHALELA IZIMO EZITHILE

Ohlolwayo uzoklonyeliswa uma eqaphelisisa lokhu okulandelayo:

- Isakhiwo sombhalo.
- Ulimi oluhle, olunothile noluhambisana nezimiso zolimi.
- Inggikithi ekhombisa ulwazi lombhalo nokuziqambela.
- Irejista, izethameli, ithoni nesitayela esifanele.

UMBUZO 4

Bhala amagama ayi-150 kuya kwayi-180.

Abazali bakho bakwenzele indumezulu yomcimbi wokukuhalalisela ngemiphumela yakho emihle ebangeni leshumi nambili. Izulu livumile, kufinywa ngendololwane. Nisazihlalele sekutheleka ithimba likamabonakude licele usingaye/umnikazi womcimbi. Bhala **ingxoxo** yakho nentatheli ngezinsesele odlule kuzo kanye namaphupho akho ngekusasa.

[20]

UMBUZO 5

Bhala amagama ayi-150 kuya kwangama-180 engabaliwe amakheli.

Umuntu omethembayo uyakuhlukumeza. Uhambile-ke waya esiteshini samaphoyisa ukubika udaba lwakho kepha awusizakalanga. Bhalela umphathi-siteshi samaphoyisa **incwadi** ukhononde ngendlela owaphatheka ngayo ngesikhathi uzobika. Chaza yonke into amaphoyisa ayisho noma ayenza kuwena. Veza namalungelo akho ahlukumezeka ngaleso senzo.

[20]

Amamaki angama-40

Amamaki esewonke ayi-100